

Landesbibliothek Oldenburg

Digitalisierung von Drucken

Disputationes Chirurgicæ Selectæ

Haller, Albrecht von

Lausannæ, MDCCLV.

VD18 90538889

Titelblatt

urn:nbn:de:gbv:45:1-16577

XLIX.

DISSERTATIO

MEDICA,

DE

STRUMA OESOPHAGI,

HUJUSQUE COALITU DIFFICILIS AC
ABOLITÆ DEGLUTITIONIS CAUSIS

Quam Præside

B. D. MAUCHART P. P.

Tuebatur

PHIL. HENR. BEUTTEL,

BLAVIFONTANUS.

Tubingæ 29 Maij anno 1742.

D d d 2

P R Æ



BY SERRATIO

MEDICINA

STRUMA GROSSA

IN DISSECTIO

ANATOMICA

Opera

R. L. MAUCHART

Tabula

PHIL. HEINR. BEUTEL

DE PNEUMONIA

Tabulae ad usum

1777

1777



P R Æ F A T I O.

Plurimis quidem, eisque gravissimis, circumsepta est difficultatibus dogmatica medicine theoria, ac judicioſa praxis; Crucem vero inter has maxime figit specialissima & individualis cause morbificæ, quam vocamus, immediata, latentis, obscuræ, intricatæ, ac ejusdem subjecti, cui inhaeret, sagax indagatio. Sicuti vero non, nisi sublata causa, tollitur effectus, ita omnes ingenii ac judicii vires intendere medicum oportet, ut eam, si non demonstrativa, probabili tamen quavis ratione prudenter eruat. Jure igitur meritoque dolemus in quamplurimis medicorum scriptis diversarum adeo & numerosarum unius ejusdemque affectus morbifici, in diversis agrotantibus obviarum causarum neque distinctam satis, neque claram ut plurimum haberi semioticam: imo ex ipsis historiis medicis, satis perfunctorie passim conscriptis, ne quidem a sagacissimo vel ipso Æsculapio verosimilem vix, nedum certam exsculpi posse theoriam, ob insufficientem & mancam phenomenorum enumerationem.

Quam ob rem & opera pretium facturos existimamus, qui obscuras atque rariores morborum causas clariori vindicent luci data opera, & nos presenti hoc specimine, quod singularem deglutitionis impeditæ ac abolitæ causam pertractat, aliquam a benevolo lectore gratiam inituros speramus.

Per deglutitionem intelligimus illam in æconomia humana actionem, e naturali ac animali [a], mixtam, qua mediante ad faucium isthmum appellentia solida ac fluida, in decenti proportionem ad commensurabilitatem constituta, per canalem œsophagi descendunt, deprimentur [b], & in ventriculum naturaliter promoventur [c]. Quam varia autem huic deglutitionis actus

natura

[a.] Scilicet quæ partim volentibus nobis instituitur, dirigitur, modificatur: partim etiam nolentibus & non advertentibus perficitur.

[b.] Assumpta, solida maxime, non simpliciter & sola vi gravitatis suæ descendere per œsophagum evincunt hujus structura musculoſa, coarctatio circa orificium ventriculi superius, experimenta ac observationes practicæ. Videtur id etiam innuere deglutitionis etymologia, cujus nempe primitivum est obsoletum illud glutio, descendens a gluo, quod idem est ac stringo.

[c.] Hæcque est deglutitio perfecta, *κατ' ἰκρόν* dicta. Imperfecta & semiplena potest dici, quando in œsophagum deglutita exeunt hujus foramine p. n. ac vulnere in cavum pectoris aut abdominis. Qualem casum vidit Præses in cadavere phthifici; arrosi scilicet & erosi œsophagi, ac sua alimenta & medicamenta eructantis in cavum pectoris. Imperfectæ deglutitionis specimen præbet nostrum quoque thema, ubi deglutita non penitus in ventriculum perveniunt, sed, obiceposito, propius vel remotius a ventriculo, morantur & hærent in œsophago, donec vomitu rejiciantur. Improprie & analogice saltem deglutitio vocatur, deviatio & illapsus ille solidorum vel liquidorum intra laryngem & asperam arteriam, *wann einem etwas in die unrechte Kehrl gekommen*; suevicidiomate nostro vocamus *das Verkurren*. In nulla alia

D d d 3

logya

